

**JU ZAVOD ZA MEDICINU RADA I SPORTSKU MEDICINU
ZENIČKO-DOBOJSKOG KANTONA**

Broj: 6522/21
Zenica, 24.9.2021. godine

Na osnovu člana 69. stav 2 tačka e) i člana 70. stav 4. Zakona o javnim nabavkama BiH („Službeni glasnik BiH“, broj: 39/14) i člana 36. Statuta Kantonalnog zavoda za medicinu rada i sportsku medicinu, a na prijedlog Komisije, direktor donosi

O D L U K U
**o poništenju postupka javne nabavke
radova iz oblasti energijske efikasnosti**

I

Poništava se postupak javne nabave radova iz oblasti energijske efikasnosti, koji je pokrenut Odlukom Upravnog odbora broj: 3679/21 od 28.5.2021. godine i za koji je objavljeno obavještenje na Portalu javnih nabavki, broj: 996-1-3-236-3-20/21 od 30.7.2021. u „Službenom glasniku BiH“ broj: 50/21 objavljeno dana 06.8.2021. godine, te ispravke Obavještenja o nabavci broj: 996-1-3-236-8-21/21 u „Službeni glasnik BiH“ broj: 50/21 od 06.8.2021 i broj: 996-1-3-236-8-22/21 u „Službeni glasnik BiH“ broj: 54/21 od 27.8.2021., iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

II

Zakonski osnov poništenja javne nabavke iz tačke I ove Odluke sadržan je u članu 68. stav 1. i članu 69. stav 2. tačka e).

III

Ova Odluka stupa na snagu danom donošenja.

O b r a z l o Ź e n j e

Ugovorni organ JU Zavod za medicinu rada i sportsku medicinu Zeničko – dobojskog kantona je Odlukom Upravnog odbora broj: 3679/21 od 28.5.2021. godine, pokrenuo postupak javne nabavke radova iz oblasti energijske efikasnosti, za koji je objavljeno obavještenje na Portalu javnih nabavki, broj: 996-1-3-236-3-20/21 od 30.7.2021. u „Službenom glasniku BiH“ broj: 50/21 objavljeno dana 06.8.2021. godine, te ispravke Obavještenja o nabavci broj: 996-1-3-236-8-21/21 u „Službeni glasnik BiH“ broj: 50/21 od 06.8.2021 i broj: 996-1-3-236-8-22/21 u „Službeni glasnik BiH“ broj: 54/21 od 27.8.2021, i za koji je proveden otvoreni postupak.

Komisija za provođenje postupka javne nabavke imenovana Rješenjem direktora broj: 5799/21 od 27.8.2021., izvršila je otvaranje tri pristigle ponude, dana 07.9.2021. godine u 13,00 sati, te ponuđačima blagovremeno dostavila Zapisnike o otvaranju ponuda.

U daljem postupku, komisija je izvršila pregled ponuda shodno zahtjevima utvrđenim u tendreskoj dokumentaciji broj: 5156/21 od 30.7.2021. i sačinila zapisnik o ocjeni ponuda. Iz zapisnika o ocjeni ponuda proizilazi da je ponuda ponuđača „Vizija“ d.o.o. Visoko, ocijenjena kao formalno-pravno nepotpuna i neuredna.

Komisija je konstatovala da navedena ponuda ne sadrži dokaz o ispunjavanju ekonomske i finansijske sposobnosti tražen tačkom 11.tenderske dokumentacije – odgovarajuće bankovno

pismo, odnosno potvrdu poslovne banke kod koje ima otvoren transakcijski račun o bonitetu firme, odnosno da u zadnjih 6 (šest) mjeseci od dana izdavanja potvrde računa dobavljača nije bio u blokadi. Shodno navedenom odlučeno je da se ponuda ponuđača „Vizija“ d.o.o. Visoko odbaci u skladu sa odredbama člana 68. stav (1) i stav (4.) tačka i) Zakona o javnim nabavkama BiH jer ponuda nije potpuna i ne ispunjava zahtjeve iz tenderske dokumentacije.

Nakon provedene e-aukcije, a koju su pozvani ponuđači koji su dostavili potpune i uredne ponude i to: „NIWEX“ d.o.o. Derventa i „ŽALUZINE STYLE“ d.o.o. Zenica, utvrđena je konačna rang lista ponuđača koji su učestvovali, kako slijedi:

1. **„ŽALUZINE STYLE“ d.o.o. Zenica**
Adresa: Kočeva 35, 72 000 Zenica
- cijena ponude bez PDV-a 174.824,00 KM
2. **„NIWEX“ d.o.o. Derventa**
Adresa: Polje 40, 74 400 Derventa
- cijena ponude bez PDV-a 175.000,00 KM


Imajući u vidu da je procijenjena vrijednost nabavke 133.243,20 KM, a da su cijene svih prihvatljivih ponuda znatno veće od osiguranih sredstava za predmetnu nabavku, Komisija je jednoglasno prijedložila Ugovornom organu da poništi predmetni postupak javne nabavke, shodno članu 69. stav (2) tačka e) Zakona o javnim nabavkama.

Cijeneći sve naprijed navedeno, odlučeno je kao u dispozitivu ove Odluke.

Pravna pouka: Protiv ove Odluke, može se podnijeti žalba Ugovornom organu u roku od 10 (deset) dana od dana prijema iste.

Dostavljeno:

- 1 x „Vizija“ d.o.o. Visoko
- 1 x „ŽALUZINE STYLE“ d.o.o. Zenica
- 1 x „NIWEX“ d.o.o. Derventa
- 1 x Služba za ekonomske poslove
- 1 x Služba za pravne poslove
- 1 x a/a

Direktor

Muris dr Karić, specijalista medicine rada,
klinički toksikolog

